

constituta, sit conversatio mea.
 Guberna linguam, & dirige cogitationes meas, ut in sancta
 conversatione permaneam, &
 cum servis tuis glorificem te,
 Deus meus, quem decet gloria
 in sæcula sæculorum, Amen.

PARS SECUNDA.

A meridie ad noctem.

PARS

LAUDES DIVINÆ
 EX
 DIVINIS PERFECTIONIBUS.

Mirabilia opera Altissimi solius.
 Eccle. 11.

*Holocausta offerunt Domino
 per singulos dies, mane, & vespere.*
 2. Paral. 13.

LAuda anima mea Domi-
 num; laudabo Dominum
 in vita mea; psallam Deo meo,
 quamdiu sum. Jucundum sit ei
 eloquium meum; ego vero de-
 lectabor in Domino.

Laudate servi Dominum;
 laudate, quia bonus Dominus.
 Hymnum cantate Domino; hy-
 mnum novum cantate Deo no-
 stro: exultate in carminibus
 Dei nostri: collaudate, & be-
 nedicite Dominum in operibus

fuis: exaltate, & invocate nomen ejus: mementote mirabilium ejus; mementote, quoniam excelsum est nomen ejus.

Magnus Dominus, & laudabilis nimis; & magnitudinis ejus non est finis. Magnus est, & non habet finem; excelsus, & immensus; & nomen ejus in æternum; & omnipotens manus ejus. Excelsior celo, & profundior inferno; longior terra mensura ejus, & latior mari. Numerus annorum ejus inestimabilis.

Magnus Dominus noster, & magna virtus ejus, & sapientia ejus non est numerus. Magnus Dominus Deus noster, qui facit mirabilia magna solus; magna, & inscrutabilia absque numero: magnus vehementer; & mirabilis potentia ejus.

O Adq-

O Adonai! Domine, magnus es tu, & in omnia sæcula regnum tuum. Magnus es tu, & præclarus in virtute tua. Priusquam montes fierent, aut formaretur terra, & orbis, a sæculo, & usque in sæculum tu es Deus.

Tua est, Domine, magnificentia, potentia, & gloria; cuncta enim, quæ in celo sunt, & in terra, tua sunt. Tuum, Domine, est regnum; tu es super omnes gentes. In manu tua virtus, & potentia; in manu tua magnitudo, & imperium. Tu Dominus totius creaturæ; Dominus nomen est tibi.

Benedictus es, Domine, ab æterno in æternum. Laudaverunt te Patres nostri, & nos laudabimus te, & confitebimur nomini tuo in sæculum, & in sæculum

F 4

fx.

seculi. Latabitur in te anima mea, & confitebitur tibi. Dedisti mihi linguam, & in ipsa laudabo te. Tota die benedicam tibi; tota die cantabo laudem tuam.

Sapientia Dei.

Quis sufficit enarrare opera ejus? Quis investigabit magnalia ejus? Virtutem ejus, quis enuntiabit? Vias illius quis intelligit? Quis intravit in thesauros ejus?

Arenam maris, & pluviz guttas, & dies seculi, quis dinumeravit? Altitudinem cæli, & latitudinem terræ, & profundum abyssi, quis dimensus est? Unus est Creator omnipotens, & dominans Deus. Ipse vidit, & dinumeravit, & mensus est.

Men-

Mensus est pugillo aquas, & cælos palmo ponderavit; appendit tribus digitis molem terræ; in pondere libravit montes, & colles in statera; multitudinem stellarum numerat, & omnibus eis nomina vocat.

O altitudo divitiarum sapientiæ, & scientiæ Dei! Quis ascendit in cælum, & accepit eam, & transtulit eam de nubibus? Quis transfretavit mare, & invenit illam, & attulit illam super aurum electum?

Deus magnus, vincens scientiam nostram; magnus consilio, & incomprehensibilis cogitatu. Non est, qui possit scire vias sapientiæ ejus, neque qui intelligat semitas ejus; sed qui scit universa, novit eam, & adinvent eam.

Dominus sapientia fundavit

F 5 ter-

terram, & stabilivit cælos prudentia. Sapiaentia ejus erupunt abyssi, & nubes rore concrescunt. Creavit illam in Spiritu Sancto, & effudit eam super omnia opera sua.

Non sunt ab eo abscondita tempora. Fines mundi intuetur; subter omnes cælos considerat; & lumen illius super omnes terminos terræ. Revelat profunda, & abscondita, & novit in tenebris constituta. Ipse est conspexor sæculorum, & lux cum eo est.

Oculi ejus super vias hominum, & omnes gressus eorum considerat. Opera eorum coram illo, & iniquitates eorum in conspectu illius. Abyssum, & cor eorum investigabit, & decorabit magnalia sapientie sue, qui est ante sæculum, & usque in sæculum.

Mi.

Misericordia Dei.

Confiteantur Domino misericordie ejus; misericordias Domini in æternum cantabo. Quam magna misericordia Domini! in æternum misericordia ejus; miserationes ejus super omnia opera ejus. Secundum magnitudinem magnitudinis ipsius, sic misericordia cum ipso est.

Non in perpetuum irascetur, neque in æternum comminabitur. Non secundum peccata nostra fecit nobis; neque secundum iniquitates nostras retribuit nobis. Quantum distant cæli a terra; quantum distat ortus ab occidente, longe fecit a nobis iniquitates nostras. Quomodo miseretur pater filiorum, mi-

F 6 ser.

sertus est Dominus timentibus se, quoniam ipse cognovit figmentum nostrum. Misericors, & misericors Dominus; longanimis, & multum misericors. Quis sapiens, & custodiet hæc, & intelliget misericordias Domini?

Judicia Dei.

Memor ero judiciorum ejus; quam incomprehensibilia sunt judicia ejus! Nimis profundæ cogitationes ejus. Magnus fortitudine, & judicio, & justitia; & enarrari non potest; terribilis in consiliis super filios hominum: judicia Dei abyssus multa.

Quasi lutum in manu figuli; sic homo in manu illius, qui se

fe.

fecit. Dominus multiplicat gentes, & perdit eas, & subversas in integrum restituit; mutat tempora, & ætates; transfert regna, atque constituit.

Flagellat, & salvat. Mortificat, & vivificat; deducit ad inferos, & reducit; pauperem facit, & ditat; humiliat, & sublevat; suscitatur de pulvere egenum, & de stercore elevat pauperem.

Humiliat peccatores usque ad terram, & dispergit superbos in furore suo. Impii flante Deo perierunt, & spiritu iræ ejus consumpti sunt. Flavuit in eos, & aruerunt, & quasi turbo stipulam, auferet eos. Cognoscetur Dominus judicia faciens: justæ, & veræ sunt vix ejus. Exaltabitur in judicio, & exaltabitur in justitia.

Po.

Potentia Dei.

Confiteantur Domino omnia
opera ejus. Memor ero o-
perum Domini: memor ero mi-
rabiliū ejus; magna opera e-
jus. Omnia quæcumque voluit,
fecit in cælo, & in terra; in
mari, & in omnibus abyſſis.
Ipſe omnipotens ſuper omnia
opera ſua.

In manibus abſcondit lucem;
emittit lumen, & vadit; voca-
vit illud, & obedit ei in tre-
more. Qui præcipit ſoli, & non
oritur; & ſtellas claudit, quaſi
ſub ſignaculo. Increpat mare,
& exſiccatur illud; fervescere, fa-
cit profundum ejus, & intum-
eſcunt fluctus.

In ſermone ejus ſiluit ventus,

&

& ad voluntates ejus aſpirat no-
tus: aufert ſtillas pluviæ, &
effundit imbres ad inſar gur-
gitum: induit cælum tenebris;
tonat voce magnitudinis ſuæ;
vox tonitruī ejus verberabit ter-
ram. Emittit ſagittas ſuas, &
diſſipat; fulgura multiplicat,
& conturbat; conuſcationes e-
mittit judicii ſui.

In conſpectu ejus commoven-
tur montes; & petra, ſicut cera
liqueſcent ante faciem ejus: in
furore ſuo obſtupesciet gentes;
in ira ejus turbata eſt terra.
Reſpicit eam, & facit eam tre-
mere: commovet eam de loco
ſuo; & fundamenta ejus concu-
tiuntur: in turbine, & tempe-
ſtate vix ejus; & nebula, pulvis
pedum ejus.

Conſideravi opera Domini,
& expavi. Terribilia opera ejus.

Si

Si voluerit subvertere omnia, quis contradicet ei? Quis effugit manum ejus? Quem constituit alium super terram, aut quem posuit super orbem terrarum, quem fabricatus est?

Nemo resistit iræ ejus; & curvantur sub eo, qui portant orbem. Columnæ cæli contremiscunt, & pavent ad nutum ejus. Potestas, & terror apud eum est; potestas ejus, potestas sempiterna; mirabilis in majestate, faciens prodigia.

Glorificatio Dei.

Timeat Dominum omnis terra; ab eo autem commoveantur omnes inhabitantes orbem. Regna terræ cantate Deo; cantate Domino; terribili, & ei,

ei, qui aufert spiritum principum; terribili apud reges terræ.

Laudate gentes; glorificate populi; narrate laudes Domini; annunciate opera ejus; & narrate mirabilia ejus, & terribilia ejus; signa ejus, quia magna sunt; & mirabilia ejus, quia fortia sunt; & regnum ejus, regnum sempiternum; & potestas ejus in generationem, & generationem.

Timeate Dominum, & date illi honorem: adorete eum, qui fecit cælum, & terram; mare, & fontes aquarum. Qui reminiscimini Dominum, ne taceatis; in omni corde, & ore collaudate, & benedicite nomen Domini.

Benedicite Deum cæli, & confitemini illi; viventem in sempiternum.

piternum glorificate. Ipsi soli honor, & gloria; ipse solus Altissimus; & omnes homines terra, & cinis.

HORA NONA.

*Et circa horam nonam
clamans Jesus voce magna
expiravit. Marci 11.*

Domine Deus meus formans lucem, & creans tenebras; ecce dies declinior est ad occasum, & propinquat ad vesperam; da, ut reliquum hujus diei, & vitæ meæ cum gaudio sit, & cum bono profectu timoris tui.

Ut testimonium præbeam in conspectu tuo, & ornem tempora usque ad consummationem

vi-

vitæ, & amplificem tuam sanctitatem, cui gloria nunc, & in diem æternitatis.

Et nunc, Domine, memor sanctissimæ mortis tuæ, quando hora nona in cruce exclamans; Deus Deus meus, ut quid dereliquisti me; & commendans Patri spiritum tuum, iterum clamans voce magna expirasti; ne derelinquas me in hora tribulationis, & transitus mei. Salvum fac Deus meus sperantem in te. In te speraverunt patres nostri; speraverunt, & liberaisti eos; ad te clamaverunt, & salvi facti sunt; in te speraverunt, & non sunt confusi.

Memento mei Deus meus, a quo emptus sum pretio magno; in manus tuas commendo spiritum meum, ut intrans in gloriam tuam laudem te, & glorificem

ficem in regno tuo in sæcula sæ-
culorum. Amen.

ANTE LECTIONEM
SPIRITUALEM.

*Leget omnibus diebus vita sua,
& discet custodire verba,
qua in lege scripta sunt.*

Deut. 17.

UTinam, Domine, loquaris
mecum, & aperias labia
tua mihi; & sapientiam tuam
audiet auris mea, & intelligam
sermonem tuum. Inclina cor
meum ad cognoscendam legem
tuam; non abscondas a me ser-
monem tuum.

Inclina aurem meam ad fuscipi-
enda eloquia tua, ut faciam,
quod est placitum coram te, &
di-

discam ex ore tuo legem, &
scribam illam in tabulis cordis
mei, & custodiam illam, ut pu-
pillam oculi mei.

POST LECTIONEM
SPIRITUALEM.

Custodi præcepta mea.

Prov. 4.

Domine, ad quem ibimus?
Verba vitæ æternæ habes;
sermo tuus veritas est. In me-
moria sermonum tuorum dele-
ctabor, & præcepta tua recon-
dam mihi: non recedent ab o-
culis meis; vita enim sunt in-
venientibus ea.

Permaneat in me verbum ve-
ritatis, quod audiui, ut opere
illud compleam, & fructificem
in

in omni opere bono, digne ambulans coram te, Deus meus; cui gloria in sæcula sæculorum, Amen.

VISITATIO

SS. EUCHARISTIÆ.

ADORATIO, ET LAUS.

*Corruentes proni in terram
adoraverunt, & laudaverunt
Dominum. 2. Paral. 7.*

Admiratur, & gaudet.

QUAM terribilis est locus iste! Hic domus Dei est. O Adonai magne, & mirabilis! Quis poterit stare in conspectu tuo? Quis stabit ante faciem tuam in hoc templo sancto tuo? In hoc loco sanctificationis tuæ?

Quis

Quis non timebit te, & magnificabit nomen tuum, omnipotens Deus altissime? Deus potens, & metuendus nimis! Quis similis tui in fortibus, Domine? Quis similis tui? Magnificus in sanctitate; terribilis, atque laudabilis; faciens mirabilia; laudabilis nimis, & horribilis super omnes Deos. Expavit cor meum præ timore, & tremore magnitudinis tuæ; præ timore, & tremore gloriæ tuæ.

Ergo ne credibile est, quia habitat Deus cum hominibus super terram? Si calum, & calid calorum non te capiunt, quanto magis domus ista? Qui sedes super Cherubim in excelso solio gloriæ tuæ, elegisti sanctuarium in loco isto; posuisti tabernaculum tuum in medio nostri, & habitas nobiscum: nos

po-

populus tuus; & tu Deus noster.

Vere tu es Deus noster absconditus, Deus Israel; gloria templi, & altaris tui; nec est alia natio, tam grandis, quæ habeat Deos appropinquantes sibi, sicut Deus noster adest nobis.

Exulta, & lauda habitatio Sion; quia magnus in medio tui Sanctus Israel: gloria Domini super te. Posuit domum suam in gloriam cunctis gentibus; templum suum laudem in terra. Complacuit sibi Dominus in te; gaudebit super te Deus tuus.

Confortare omnis populus terræ, quia Deus noster nobiscum est, & repletur domus hæc sancta gloria Majestatis ejus. Templum Domini in gloria sempiterna: Dominus in loco sancto suo, & in conspectu servorum suorum glorificabitur,

&

& laudabitur in medio populi sui.

Ego autem, & anima mea in eo lætabimur: exultabo in gloria ejus; jubilabo ante altare Domini Dei Israel, & præsentem omnipotentem delectabor. In medio Ecclesiæ laudabo eum; in medio populi glorificabo eum.

Laudat, & adorat.

ECce omnes Angeli, qui serviunt tibi die, ac nocte in templo tuo, & adsunt coram te, & cadunt in facies suas, & adorant te Deum viventem in sæcula sæculorum, & cantant canticum novum, quem in cælis cantant, stantes ante thronum, & in conspectu agni: dignus est agnus, qui occisus est,

G

ac.

accipere virtutem, & divinitatem, & sapientiam, & fortitudinem, & honorem, & gloriam, & benedictionem. Alleluja. Salus Deo nostro sedenti super thronum, & agno.

In conspectu Angelorum adorabo ad templum sanctum tuum, & confitebor nomini tuo. A solis ortu, & occasu magnum est in gentibus nomen tuum: potestas tua in æternum: a saculo tu es Deus; tu solus Altissimus super omnem terram.

Benedictus es in templo sancto tuo, & superlaudabilis, & supergloriosus, & superexaltatus in sacula. Gaudium, & lætitia coram altari tuo; gratiarum actio, & vox laudis; vox dicentium: confitemini Domino, quoniam bonus, quoniam in æternum misericordia ejus.

Be-

Benedicent domum sanctificationis ejus; templum gloriæ ejus. Ponent Domino gloriam, & honorem; & laudem ejus annuntiabunt. Cantabunt Domino in canticis gaudii; cantabunt Deo suo de canticis Sion.

Intrent in conspectu tuo omnes gentes: cadant in faciem super terram; adorare Dominum Deum suum, & dare preces omnipotenti Deo excelso; dare laudem in labiis suis, & confessionem Sancto in verbo gloriæ.

Adorent te in oblatione sancta: glorificent te, quantumcumque potuerint; supervalebis enim adhuc; & admirabilis magnificentia tua. Benedicant te, & exaltent, quantum possunt; major enim es omni laude.

Exaltantes te repleantur vir-

G 2 tu.

tute, & narrent laudes tuas, & mirabilia tua, quæ fecisti. Tremiscant, & paveant te; paveant ad sanctuarium tuum, a terribili nomine Majestatis tuæ.

Venite gentes, & adorate Dominum; date gloriam nomini ejus; date gloriam laudi ejus. Venite in conspectu ejus, & adorate Dominum in decore sancto. Afferte Domino gloriam, & honorem; afferte Domino gloriam, & imperium. Adorate Dominum in atrio sancto ejus; adorate coram sancto altari ejus.

Non est Sanctus, ut est Dominus; neque est fortis, sicut Deus noster. Omnes Dii populorum idola; Dominus autem cælos fecit. Confessio, & magnificentia coram eo; fortitudo, & gaudium in loco ejus,

Da.

Date magnificentiam Deo nostro: cantate ei, quoniam magnifice fecit: annuntiate hoc in universa terra: curvate genu Deo excelso; pavete, & adorate: cum timore, & tremore confitemini illi.

Laudem dicite servi ejus, & qui timetis eum, pusilli, & magni. Cantate Deo; cantate Domino; cantate ei canticum novum: laus ejus ab extremis terræ. Lætamini in Domino Deo vestro; jubilate coram Domino; jubilate in conspectu ejus; exultate, & jubilate Deo Jacob. Gaudeamus, & exulemus, & demus gloriam ei, quia regnavit Dominus Deus noster omnipotens.

Confitemini Deo Deorum; confitemini Deo cali; confitemini Domino Dominorum;

G 3 con.

confitemini, & benedicite Regem sæculorum: ipsi soli honor, & gloria; ipsi gloria in Ecclesia in omnes generationes sæculi sæculorum. Amen.

Et nunc, Domine, dimitte seruum tuum in pace. Introivi in domum tuam; adoravi ad templum sanctum tuum. Benedic ingredientem de sanctuario tuo; benedic, & sanctifica seruum tuum, ut cum gaudio revertar ad domum sanctam tuam, & effundam cor meum ante conspectum tuum, Domine Deus meus.

 VISITATIO

SS. EUCHARISTIÆ.

Affectus Animæ ad Christum.

Inveni, quem diligit anima mea.

Cant. 3.

O Splendor gloriæ, & candor lucis æternæ! Quis est, qui contempletur te? Quis intelligit in absconditis tuis; & abscondita tua quis revelabit? Quis mihi det, ut cognoscam te, Deus cordis mei; solus desiderabilis?

Qui lucem inhabitas inaccessibilem, posuisti velamen super faciem tuam. Posuisti tenebras latibulum tuum, & habitas in nebula; sed etiam nubes spargit lumen suum; & gloria tua appa-

ret in nube. In nube coruscat
majestas tua. Vultus tuus abs-
conditus, & illuminans.

Ostende faciem tuam, in
quam desiderant Angeli prospice-
re. Ostende majestatem, &
magnitudinem tuam, ut exul-
tem tibi in timore, ac tremore
sancto. Fulgura coruscationes,
& emitte radios ab illuminatio-
ne vultus tui.

Deus meus, in cujus conspe-
ctu sto; in quem non videns cre-
do; quem diligo, & adoro, &
credens exulto lætitia inenarra-
bili; lætetur cor meum in ab-
scondito tabernaculi tui; in
abscondito faciei tuæ. Ad te
oculos meos dirigo; ad te fa-
ciem meam converto.

Tu ignis perpetuus, qui nun-
quam deficit in altari. Egre-
diatur ignis a facie tua. Effun-
de

de in me ardorem sanctum; &
sit cor meum ante altare tuum;
sicut thus ardens in igne; sicut
cera liquecens ante faciem tu-
am.

Domine, dilexi decorem do-
mus tuæ, & locum habitationis
gloriæ tuæ. Beati servi tui, qui
assistunt coram te! Quam pul-
chra tabernacula tua Jacob!
Tabernacula, quæ fixit Domi-
nus. Quam dilecta tabernacula
tua, Domine virtutum! Altaria
tua, Rex meus, & Deus meus!
Unam petii; hanc requiram, ut
inhabitarem in domo Domini; ut
visitem templum ejus. Hæc re-
quies mea; hic habitabo, quo-
niam elegi eam.

Da mihi, ut appaream quoti-
die ante faciem tuam coram al-
tari tuo, & maneam ibi jugiter;
ut tu maneat tecum in diebus

peregrinationis meæ usque ad consummationem vitæ, donec te videam in Sion monte sancto tuo, quando elevabitur nubes de tabernaculo, & adimplebis me lætitia cum vultu tuo; & satiabitur oculus meus, videns gloriam tuam.

O Israel! Quam magna est domus Domini, & ingens locus possessionis ejus! Beati qui habitant in domo tua, Domine! In sæcula sæculorum laudabunt te. Oculus non vidit absque te, quæ præparasti diligentibus te. Inebriabuntur ab ubertate domus tuæ. Torrente voluptatis potabis eos: delectationes in dextera tua usque in finem.

Sitivit anima mea ad Deum vivum; quando transibo in locum tabernaculi admirabilis usque ad domum Dei? Quando veniam,

niam, & apparebo ante faciem tuam, & videbo te, sicut es? Incola ego sum in terra: expecto, donec veniat immutatio mea. Suspicio in cælum; suspiro, & ingemisco.

Pars mea Dominus, dixit anima mea; propterea expectaboeum. Expectabo te Deum Salvatorem meum. Non confundas me ab expectatione mea, Domine Deus meus; & laudabo te in domo tua, & adorabo; cui magnificentia, & gloria, imperium, & potestas ante omne sæculum, & nunc, & in sæcula sæculorum. Amen.

VISITATIO
SS. EUCHARISTIÆ.

Preces Anima ad Christum.

*Precantes Deum permanebant in
conspectu Domini.*

Judith. 4.

Domine Deus meus recordatus sum tui, ut veniat ad te oratio mea: ecce sto in sanctuario tuo. Quis autem ego sum, ut appropinquem tibi? Deus magne, atque terribilis, quem omnia pavent, & tremunt; a vultu virtutis tuæ confundor, & erubescio levare faciem meam ad te, quoniam iniquitates meæ multiplicatæ sunt nimis, & delicta mea creverunt usque ad cælum.

Mul-

Multæ sunt iniquitates meæ, & multa peccata meæ; sed tibi, Domine, misericordia, & propitiatio, quia Deus miseratorum, & clemens es tu, custodiens pactum, & ignoscens super malitia. Ne projicias me a facie tua, & ne expellas me de conspectu sanctuarii tui.

Effundam animam meam in conspectu tuo; levabo ad te manus meas in loco sancto, quem elegisti, ut ponas nomen tuum ibi, & habites in eo. Invocabo te, & exaudies me de templo sancto tuo. Quicumque enim invocaverint te, & expandierint manus suas in domo hac, exaudies de hoc habitaculo sancto tuo; quia non est confusio invocantibus te; & non repellis venientes ad locum sanctum tuum.

Sint

Sint igitur oculi tui aperti, & aures tuæ erectæ ad deprecationem nostram, quæ fit in loco isto. Audi orationem, quam servus tuus orat coram te. Exaudi preces servorum tuorum, & exaudi nos in universis, pro quibus invocaverimus te.

Si irruerint super nos mala, gladius, pestilentia, & fames; si clauso cælo pluvia non fluxerit propter peccata populi; si iratus concutias fundamenta terræ, & facias eam tremere; stabimus coram te in domo hac, & paventes corruemus ante sanctuarium tuum. Prosterne nos ante faciem templi; operiemus lacrymis altare tuum; clamabimus ad te; clamabimus; salvosque facies.

Et si peccaverit tibi populus tuus, & egerit pœnitentiam in
cor.

corde suo, & conversus deprecatus fuerit te, propitiaberis populo tuo; populus enim tuus, & hæreditas tuæ est.

Ut peccatoribus propitietur.

PArce, Domine, parce populo tuo, & ne des hæreditatem tuam in perditionem. Avertatur ira, & furor tuus. Exaudi Domine; placare. Ne irascaris usque ad consummationem; ne perdas, quos redemisti.

Immuta cor eorum, qui recesserunt a te, ut revertantur ad te; aufer cor lapideum, & da cor novum; & spiritum novum in visceribus eorum infunde, ut confundantur, & erubescant super vias suas malas, & convertantur ab iniquitatibus suis.

Fac

Fac, eos in præceptis tuis ambulare, & mandata tua custodire; & cognoscant, quia misericors es, & multus ad ignoscendum; & peccata condonas iis, qui invocant nomen tuum; & non delectaris in perditionibus nostris.

Ut Ecclesiam suam protegat.

Protege, Deus meus, Ecclesiam, quam fundasti. Respice, & visita vineam, quam plantavit dextera tua. Confundantur inimici ejus; confundantur in omni potentia tua; & robur eorum conteratur. Alleva manum tuam; glorifica manum tuam; irruat formido, & pavor super eos.

Et sciant omnes, qui habitant

tant terram, quia nobiscum es, & nomen tuum invocatum est super nos, & es Deus solus, & gloriosus super orbem terrarum, & non est similis tui in cælo, & in terra. Turbentur a facie tua, qui polluunt nomen tuum, & sanctum Israel blasphemaverunt.

Ut Infideles convertat.

EMitte lucem tuam in gentes, quæ non exquisierunt te, ut cognoscant te, sicut nos cognoscimus te, & discant universi populi terrarum timere nomen tuum magnum, sicut populus tuus; & videant potentiam tuam, & enarrent magnalia tua, videntes gloriam Domini, & decorem Dei nostri;

&

& sciant, quia nomen tibi Dominus.

Convertantur ad te universi fines terræ, & adorent in conspectu tuo universæ familiæ gentium. Adorent te omnes reges terræ; omnes gentes serviant tibi. Sanctificare in oculis nationum, & decantent nomen sanctum tuum, Domine Rex Deorum, & universæ potestatis.

Ut sanctuarium suum respiciat.

Ostende faciem tuam super sanctuarium tuum; sint oculi tui, & cor tuum in loco isto cunctis diebus: elegisti enim domum hanc, & sanctificasti locum istum, ut sit nomen tuum ibi in sempiternum, & sit domus orationis, & obsecrationis populo tuo.

Ut

Ut populum suum custodiat.

Respice super familiam tuam, & ne cogites super illam malum; non avertas faciem tuam a nobis. Memento misericordiarum tuarum; respice in nos, & miserere nostri. Ne despicias partem tuam, quam redemisti, & populum, quem separasti tibi; nos enim nescimus alium Deum præter te.

Miserere civitati sanctificationis tuæ; protege urbem hanc, & salva eam propter te; custodi habitatores ejus. Da nobis jucunditatem cordis, & fac pacem in diebus nostris per dies sempiternos. Erue nos in mirabilibus tuis; ostende te nobis in tribulatione nostra; libera nos

nos de angustiis nostris. Ad te sunt oculi nostri, ne pereamus.

Reple misericordia plebem tuam, & gloria tua populum tuum, ut magnificatus sis in nobis, & glorificeris in medio nostri, & timeamus te, & ambulemus in viis tuis cunctis diebus, quibus vivimus super faciem terræ, & custodiamus pactum tuum, & sequamur te in toto corde, & simus populus sanctus Dei nostri.

Ecce fundimus preces nostras, & humiliamus animas nostras, & prosternimus nos ante faciem tuam, & petimus misericordiam ante conspectum tuum, Domine Deus noster.

Et nunc, Domine, egredior de sanctuario tuo; recordare, quod steterim in conspectu tuo. Levavi manus meas ad templum

plum sanctum tuum, & deprecatus sum faciem tuam in toto corde meo. Miserere, Domine, servi tui; & benedic de sancto altari tuo, & in viam pacis dirige gressus meos, Domine Deus meus.

VISITATIO

SS. EUCHARISTIÆ.

Pro sancta morte.

Semper cum Domino erimus.
1. Thess. 6.

Domine Deus spirituum universæ carnis hominis, qui vitæ, & mortis habes potestatem, anima in angustiis, & spiritus anxius clamat ad te. Timor, & tremor venerunt super me,

me, & formido mortis cecidit super me.

Peregrinus sum apud te, & advena, sicut omnes patres mei, & nescio, quandiu subsistam, & si post modicum tollas me. Dies mei, sicut umbra super terram, & sicut nubes, quæ consumitur, & transit. Induetur caro mea putredine; & in pulverem reduces me.

Memento mei, Deus meus, quando appropinquabit finis meus; custodi animam meam, ut inhaream tibi, & faciam, quod est placitum in conspectu tuo, & compleam annos meos cum gaudio, in timore tuo.

Conforta me in illa hora transmigrationis meæ, quando circundabunt me dolores mortis, & torrentes iniquitatis turbabunt me, & pericula in-

fer-

ferri invenient me: circundabunt me aquæ usque ad animam; abyssus vallabit me, & pelagus operiet caput meum: colluctabitur anima mea; anxietur cor meum, & angustabitur præ pavore.

Visita servum tuum, & refice hoc pane vitæ, antequam moriar, & ingrediar viam universæ carnis, ne deficiam, & ne formidem a facie inimicorum meorum. Quæ enim fortitudo mea, ut possim resistere tantæ multitudini, quæ irruet super me, nisi tu adjuves me?

Qui formasti me, non ad consumptionem, non sis mihi formidini; spes mea tu in die afflictionis. Occurre mihi, ne abforbeat me inimicus, quasi draco. Memorare, quæ mea substantia; nunquid enim vane constitui om-

omnes filios hominum? In te projectus sum ex utero; de ventre matris meæ tu es susceptor meus.

Delicta juventutis meæ, & ignorantias meas ne memineris; ne memineris iniquitatum mearum antiquarum; ne recorderis peccata mea, & non intres in iudicium cum seruo tuo, quia non iustificabitur in conspectu tuo omnis vivens. Et quantus ego sum, ut respondeam tibi, & loquar tecum verbis meis?

O Domine! Libera animam meam; lætifica animam servi tui, & suscipe in pace spiritum meum, ut revertatur ad te factorem suum, in quem credidit, & quem fideliter adoravit.

Et statue me cum electis tuis, ut cum veneris in nubibus cæli cum potestate magna, & maje-

sta-

state glorificari in Sanctis tuis, & mirabilis fieri in iis, qui in te crediderunt, & dare vindictam iis, qui nomen tuum non invocaverunt, in lætitia occurram tibi.

Et sequar te in regnum tuum; & ero semper tecum; & in carne mea videbo Deum Salvatorem meum; & adorabo te in templo sancto gloriæ tuæ, quem nunc adoro in hoc sancto altari tuo; & cum Angelis, & Sanctis tuis glorificabo nomen sanctum tuum, & in æternum cantabo misericordias tuas; quia non conclusisti me in manus inimici, & salvam fecisti animam meam, Deus meus; cui gloria in sæcula sæculorum. Amen.

H

AD

AD B. VIRGINEM.

Venite ad me omnes, qui concupiscitis me. Eccle. 24.

Laudes Virginis.

Benedicta a Domino Deo excelso, præ omnibus mulieribus super terram; te elegit Dominus Deus Israel, ut sederes in throno regni sui in sempiternum. Tu gloria Jerusalem; tu lætitia Israel; tu honorificentia populi nostri.

Benedictus Dominus, qui exaltavit te, & nomen tuum ita magnificavit, ut non recedat laus tua ab ore hominum, qui memores fuerint virtutis Domini in æternum. Dominus, exalta-

tatio tua, qui contulit splendorem tibi, ut incomparabili decore omnium oculis appareres; te adamavit, plusquam omnes mulieres. Quasi sponsam decoravit corona, & quasi sponsam ornavit monilibus; posuit diadema regni in capite tuo; fecitque, te regnare.

Tu amabilis Domino, qui te amabilem fecit; & nimis amabilis diligentibus te. Tu admirabilis in conspectu potentium; & facies Angelorum mirabuntur te, vas admirabile; opus excelsi; civitas regis magni; templum Dei vivi; habitaculum Spiritus Sancti; & beatam te dicent omnes generationes, quia fecit tibi magna, qui potens est; & qui creavit te, requievit in tabernaculo tuo.

In te adimplevit Dominus mi-

fericordiam suam, quam promisit domui Israel; & interfecit in manu tua hostem populi sui, & ad nihilum redegit inimicos nostros. Manus Domini confortavit te; & ideo eris benedicta in æternum.

Invocatio Virginis.

TU, civitas refugii, ad quam venient gentes ab extremis terræ, fortitudo nostra, robor nostrum, & refugium nostrum; in nomine tuo fiducia fortitudinis; & filiis tuis eris spes. Rogabit te populus tuus, ut in æternum custodias illum, quæ tuam portionem signis evidentibus protegis.

Ne retrahas manum tuam ab auxilio fervorum tuorum, pro
qui-

quibus non pepercisti animæ tuæ propter angustias, & tribulationes generis tui; sed subvenisti ruinæ ante conspectum Dei nostri, loquens pro nobis bonum; ut averteret iram indignationis suæ a populo suo. Inveniat servus tuus fiduciam, & oret coram te. Convertite oculos tuos ad me; deprecaberis pro me, & liberabis me; & placatus erit mihi Filius tuus.

Pro sancta morte.

QUæ stabas juxta crucem, quando omnipotens replevit te amaritudine, ad sis mihi in hora tribulationis, & protege me dextera tua, donec transeam. Invocabo nomen tuum; levabo manus meas, & clamabo

ad te; memento mei, quando
 appropinquabit finis meus. Da
 mihi fiduciam, ne timeam in die
 furoris Domini.

Dissolvantur in specie faciei
 tuæ inimici mei; dissipa cogita-
 tiones eorum; de manu eorum
 eripe me. Consolare me in exi-
 tu spiritus mei, & deduc me in
 vitam æternam, ut videam te,
 & filium tuum Jesum Christum;
 quem beatus venter tuus porta-
 vit; quem beata ubera lactave-
 runt; & cum Patre, & Spiritu
 Sancto vivit, & regnat Deus in
 sæcula sæculorum. Amen.

EXA.

 EXAMEN CONSCIENTIÆ.

*Scrutemur vias nostras, & leve-
 mus corda nostra cum manibus
 ad Deum in celo.*

Thren. 3.

Laudat, & gratias agit.

Quid retribuam Domino pro
 omnibus, quæ retribuit
 mihi? Benedic anima mea Do-
 mino, & omnia, quæ intra
 me sunt, nomini sancto ejus;
 benedic anima mea, Domino,
 & noli oblivisci omnes retri-
 butiones ejus; benedic anima
 mea, & intellige misericordias
 Domini.

Laudem Deo nostro super
 omnibus, & super multitudi-

H 4 nem